


卷之二

鑲蓋漢軍名臣傳 卷二

四十四



八旗通志初集卷之一百八十四

名臣列傳四十四

鑲藍旗漢軍世職大臣二

李繼學

墨爾根轄

子桑額

海爾圖

張存仁

弟之子張瑞
孫張璣

巴泰 弟巴喀

劉光弼

段應舉

高鳴鐘

子高永運



李繼學。漢軍鑲藍旗人。原係清河商人。天命六年。克遼東。後來歸。以辦事勤勞。授都司。復以考查錢糧。剔清隱匿。並擒獲間諜。追殺逃人。有功。授三等副將世職。以年老致仕。

墨爾根轄。李繼學子也。原名李國翰。生而明敏。勇銳過人。初襲父三等副將世職。

賜名墨爾根轄。我師初征明北京。步擊愛塔兵。敗之。天聰二年。圍錦州。我左翼兵進擊明錦州兵。墨爾根轄率本固山兵奮擊敗之。隨固山額真石廷

柱取糧。以餉我錦州大兵。因以紅衣礮擊降臺堡五座。並擊敗松山杏山馬步兵。又隨四固山克臺十八座。五年。取大凌河。城內兵突出來戰。墨爾根轄擊敗之。又敗明監軍道張春兵。旋往掠錦州。攻降于子章臺。九年。考察所管人丁。以墨爾根轄善於撫循。較原數增至二百四十三人。加世職為二等昂邦章京。崇德三年七月。更定部院官制。擢墨爾根轄為理事官。八月。隨揚威大將軍多羅貝勒岳託等。征明北京。至山東。

時。於邊外五處發埋伏火藥。入邊日。明吳軍門兵約千餘陣於山巔。墨爾根轄同恭順王孔有德。懷順王耿仲明。併科爾沁兵。越衆先入。直上山巔。擊敗之。獲馬四十匹。進攻牆子嶺。同恭順王部下梅勒章京郝成功。懷順王部下梅勒章京曾傳孔。以紅衣礮克其城。遇明軍門盧象昇兵。同郝成功。曾傳孔移紅衣礮向敵營攻擊。隨同滿洲大兵殺入。敗之。至濟南府。同郝成功。曾傳孔用紅衣礮擊壞城樓。遂克其城。師還。經直。

隸地方。同鑲紅旗兵。用紅衣礮攻慶都。獲鹿二城。壞其堞。四年六月。陞梅勒章京。五年圍錦州。督放本固山紅衣礮。攻克呂洪山臺。六年圍錦州。同固山額真巴顏擊敗山口步兵。明軍門洪承疇兵自松山城遁入高橋。迤南三臺。旋隨四固山往攻。克之。生擒臺內副將王希賢。叅將崔定國。都司楊重鎮。斬守備一員。都司一員。并兵一百十人。遍野搜勦三日。總兵吳三桂。王樸。奔入杏山。尋攻松山南山臺。克之。並克塔山附近。

臺。又同固山額真巴顏克塔山城。隨同四固山兵趨杏山。克附近諸臺。並拔其城。七年六月。改烏真超哈四旗爲八旗。墨爾根轄陞鑲藍旗。固山額真。八月叙功。加世職爲一等梅勒章京。兼半個前程。八年。隨鄭親王濟爾哈朗取前屯衛中後所二城。指揮本固山紅衣礮攻城有功。順治元年。嘉其績。加世職爲三等昂邦章京。五月。紅西口賊作亂。同固山額真劉之源統兵往勦。滅之。六月。同固山額真葉臣統兵平定山西。至

定州。聞饒陽縣爲流賊掃地王所據。即同固山額真祖澤潤。率每牛叅下甲士一人前往。土賊步兵約三千餘來戰。擊却之。賊於村中挖壕駐營。復同祖澤潤督兵擊敗之。並以紅衣礮克其臺。擒獲掃地王斬之。至饒陽縣。敗土賊五萬餘。孽復盤踞靈地山寨。率兵往困。敗其來援兵二千。招撫山寨三座。進至山西太原府。環視攻擊之處。城內兵乘隙突犯。力戰却之。隨指揮紅衣礮攻克其城。本地土賊與流賊合兵三千來犯。

汾西縣。率兵往援。敗其衆。又同衆固山額真分路招撫。凡得七府。二十四州。一百三十五縣。以功。

賜銀五百兩。又同固山額真圖賴往視黃河渡口。賊於

河岸立柵駐立。墨爾根轄率兵直入。毀其柵。敗其後營賊兵。有賊帥毛總兵者。率兵四千餘來。攻應山縣。墨爾根轄同巴顏祖澤潤。劉之源等。督兵奮擊。破其軍。又有賊帥馬總兵。駕船六百隻。已降復叛。即同劉之源金礪等。追至武昌府。

獲船六十二隻。又同劉之源追獲常副將兵船一百七十隻。明將左良玉所屬兵。駕船七百隻。殺傷我兵以遁。墨爾根轄同劉之源截取之。二年十一月。

世

祖章皇帝命墨爾根轄同巴顏率領官兵往陝西會

同定西大將軍內大臣何洛會等征勦四川。三年正月。逆賊賀珍孫可法胡向化等率馬步賊兵七萬餘來犯西安。適墨爾根轄同巴顏領兵方至。隨會同何洛會兵內外夾擊。殲滅殆盡。獲

駝馬甚多。其圍乃解。二月。同昂邦章京齊禮克圖領兵護送奏疏。遣王副將率兵百名前行。至渭南縣界。遇王秀才兵千餘人。擊敗之。又遣中軍陳德副將任珍等以兵七百破賊首李文炳於蒲城縣。生擒賊將王文。張留。俘獲無算。遂趨同州。敗賊首李遙。殲賊二百餘名。四月。叙功。加授二等昂邦章京。世職。尋同巴顏率烏真超哈兵。並副將王平等。撲滅延安一帶諸寇。大敗賊衆。尾至張果老崖。賊入山寨。挖壕困之。七月十

六日夜潛攻。克其寨。擒斬賊渠康千總。獲馬羸二百九十三匹。靖遠大將軍肅親王豪格。以其捷。

聞。遂隨王進征四川。遇流賊霍總兵步兵二千餘來戰。同肅章京車爾布擊敗之。又同尚書譚拜乘船渡河。敗賊袁韜馬步兵於涪河對岸。五年四月。

世

祖特授墨爾根轄為定西將軍。率右翼烏真超哈官兵駐防漢中。尋吳三桂亦自錦州移鎮焉。六月。

叙功。加至一等精奇尼哈番。六年二月。偽王朱森釜。偽定遠侯趙榮貴。率眾萬餘來犯階州。墨爾根轄同吳三桂等。前後分擊。殺七千餘人。陣斬森釜。榮貴。獲偽侯印一顆。偽總兵印十顆。及羸馬金銀等物無算。三月。復宜君。同官二縣。擊敗逆賊王有強等。斬首七千餘級。獲駝馬四千五百餘匹。四月。克蒲城縣。誅逆賊王永強所設偽官。秦隴悉平。巡撫黃爾性以

聞。

世

祖特降諭。王等忠勇智畧。與將士同心擊賊。擒獲偽官。大獲全勝。深可嘉悅。其益勵壯猷。務獲渠魁。以定疆圉。王與固山額真。今後但發縱指示。不必身先士卒。可也。五月。墨爾根轄等統兵進取延安府。賊兵聞風遠竄。遂復其城。七月。恢復延綏鎮城。殲賊四千六百餘級。八月。統兵攻勦宜川。安塞。清澗等處逆寇。斬級數千。連敗賊衆。十二月。遣官齎疏奏報。賊渠劉登樓。任一貴。謝汝德。潰奔榆鎮。西協定邊一帶。臣等隨發兵進勦。累戰克捷。偽將

齊進才。殺汝德降。將官馬永爵射死。一貴。總兵官劉芳名。擒斬登樓。榆林等處俱已底定。臣等隨分兵渡河。攻圍保德。府谷。又發諭招撫河東附近。悉皆納款。河東營偽總兵張鳳翼授首。偏關偽軍門萬鍊。內變自焚。奏入。章下。所司。七年八月遇

恩

詔。准世襲罔替。十一月。墨爾根轄遣發官兵恢復府谷縣。斬偽經畧高有才等。及偽官三百餘員。兵一千餘名。擒獲偽榆林道孫士寧。副將賈梧。遊

擊李鼎鉉。斬之。招降偽總兵郝自法等。捷至。下
兵部察叙。八年十月。

世

祖命墨爾根轄統領烏真超哈及漢兵。副吳三桂。由
陝西進征四川。九年正月。二次遇

恩

詔。由世職加封一等伯。尋至四川。征逆賊平。四大敗
之。生擒偽總兵二員。副將五員。獲駝馬甚多。賊
退據葭州。復領兵前往。三面齊攻。下其城。斬偽
總兵王叟。王立之。并賊兵三千餘人。獲馬騾八
百有奇。七月。遣發官兵招撫漳臘松潘等處。攻

拔重慶等府。剿殺偽總兵劉廷明等。俘獲無算。
又分遣梅勒章京代都等領官兵圍成都。偽撫
南王劉文秀舉城降。遂進攻嘉定州。擒斬偽總
兵龍名揚。蜀疆漸次底定。隨齎疏奏言。蜀地東
接三楚。西連羌番。南通滇黔。北抵秦隴。幅幘甚
廣。易亂難治。自張逆蹂躪。諸偽相繼。十數年。番
猺跳梁。子遺塗炭。仰荷

天

恩。軫念殘疆。大張揅伐。雖巨寇三路奔潰。東南漸入
版圖。然大慙孫可望假借名號。鼓煽人心。蟻聚

建昌遵義永寧等處。抗拒王師。未嘗忘情於蜀。宜定經制。擇衝要地。設鎮將官兵。以爲久安長治之計。疏入。下兵部議。是月。

世

祖諭平西王吳三桂。固山額真墨爾根轄曰。前六月二十八日。有諭王。及固山額真墨爾根轄。令相機進兵貴州。如四川或有渠魁抗持。不便移師前進。仍着速行馳奏之旨。今和碩敬謹親王。充定遠大將軍。統大兵於本年七月二十日出都。王不時差官遠哨酌量王師由湖南將進貴州之時。王即由四川進剿毋

諭

得於大兵未到之先。輕行深入。如四川賊未盡平。兵難前進。亦即以實奏聞。八月。又曰。前曾諭爾等。俟大兵入貴州時。爾等亦相機而往。今大兵已止貴州之行。爾等亦不必往。可遵前諭。相機安定四川地方。十月。墨爾根轄同三桂齎疏報捷。奏言。巨憝孫可望。遣偽將軍王復臣等。率馬步兵五萬。入犯川南。臣等退處保寧。爲決戰固守之計。值賊黨薄城下。連營十五里。我兵奮勇橫衝。賊衆大潰。擒斬復臣。及偽將等二百餘員。賊

兵四萬餘級。獲偽印象馬器械無算。下兵部議叙十一月。

世

祖諭曰。覽平西王固山額真墨爾根轄捷奏。朕心嘉悅。特頒內庫內監衣帽馬匹等。大賚行間將士。賞墨爾根轄貂帽一頂。貂袍一襲。靴一雙。鍍金玲瓏鞵帶一束。鍍金玲瓏腰刀一口。鍍金盔甲一頂。副。鍍金玲瓏撒袋一副。玲瓏鞍一副。馬一匹。其餘賞給有差。十年閏六月。叙破王永強。劉文秀等賊軍功。晉封墨爾根轄為三等侯。十四年。

世

祖勅諭平西王吳三桂。固山額真侯墨爾根轄。逆賊煽亂雲貴。騷擾地方已久。今賊李定國與孫可望互相爭戰。可望來降。乘此賊黨內亂。人心未定之際。特命王為平西大將軍。同固山額真侯墨爾根轄統兵進討。爾等統所屬官兵。及漢中四川各官兵。由四川前往貴州。相機進取。受茲重任。宜殫竭心力。蚤奏膚功。欽哉。十五年四月。墨爾根轄等遣發官兵。敗賊於合州。斬殺甚多。遂進取重慶。偽都督杜于香率眾逃竄。合城克復。六月。墨爾根轄等自收服重

慶○遂○統○兵○進○發○逆○首○李○定○國○遣○偽○將○軍○李○正○國
等○率○賊○眾○象○隻○在○三○坡○紅○關○等○處○據○險○設○伏○以
拒○我○兵○墨○爾○根○轄○等○令○馬○步○相○兼○步○步○為○戰○節
節○前○進○賊○遂○奔○潰○我○兵○疾○追○賊○由○水○西○遁○入○雲
南○遂○收○服○遵○義○府○並○所○屬○州○縣○招○撫○偽○總○兵○及
副○參○遊○等○官○計○降○賊○兵○五○千○有○餘○獲○其○象○馬○器
械○遂○克○開○州○捷○

聞○得

旨○嘉○獎○命○所○司○於○事○平○日○議○叙○又○遣○人○招○撫○四○川○邊○境

土○司○等○官○烏○斯○藏○國○大○乘○法○王○大○寶○法○王○等○七
月○癸○亥○卒○於○軍○十○七○年○喪○至

京○師

世○祖○遣○內○大○臣○致○奠○四○月

子○祭○葬○諡○敏○壯○六○月○追○贈○太○子○太○保○雍○正○十○二○年

特○建○賢○良○祠○祀

國○家○有○功○之○臣○墨○爾○根○轄○入○祠○祀○焉○長○子○海○爾○圖
自○有○傳○第○二○子○李○世○盛○仕○至○一○等○護○衛○第○四○子
諾○邁○見○諡○法○名○臣○傳○第○五○子○李○世○昌○仕○至○雲○南

布政使。第六子諾穆圖。見諡法名臣傳。第三子。桑額。初任鄭親王護衛。尋陞叅領。康熙三年。擢陝西寧夏總兵官。十三年。陞雲南提督。值逆藩吳三桂叛。改補湖廣提督。協統兵馬進剿。三月。同大兵進取岳州。七月。克取七里山。十五年。議叙軍功。加右都督銜。十七年。入洞庭會勦逆賊。敗之於君山。乘勝追至岳陽樓前。燒燬賊船百餘艘。十八年。隨貝子章泰率領滿漢官兵恢復華容。石首二縣。又遣守備吳榮進取安鄉縣。賊

象悉遁。湖南平。遂仍改為雲南提督。六月。疏請新任湖廣提督暫駐彝陵。請以彝陵官兵隸其標下。湖廣提標官兵姑屬臣統領。奉

聖

祖仁皇帝諭。桑額隨大兵進取雲貴。其湖廣提督標兵。准入雲南標下。俟底定之日。仍回楚中。彝陵鎮標官兵。隸湖廣提督。至於隨桑額前往官兵。方事勦賊收疆。標下官員。可加銜一等兵卒。可動正項錢糧賞賚。以示鼓勵。遂進取辰龍關。隨貝子章泰用奇兵九股。斬賊數千級。拔其關。十九年。遣援勦左路

總兵官陳珀等自貴陽進勦。十一月初十日大敗賊於永寧州。復其城。追至鷄公背鐵索橋。賊焚橋遠遁。隨大兵進征。薄雲南城下。復同都統希福往勦。楚雄逆寇馬寶追至烏木山。賊據山。以拒我兵。奮擊大敗之。擒斬甚衆。馬寶越山而遁。僅以身免。又追勦逆賊胡國柱等。至雲龍州之青里屋。國柱度不能脫。遂自縊死。偽帥王叙、李匡皆自焚死。偽將軍王良等率衆降。雲南平。駐劄大理府。二十五年卒於任。

海爾圖。墨爾根轄子。順治三年。隨官兵添駐西安府。敗賊何甄兵。並擊敗賊渠孫守法。遂解西安圍。又賊二隻虎兵來戰。擊敗之。尋由陝西進征四川。擊敗賊袁韜兵。五年四月。任甲喇章京。

七年六月。陞梅勒章京。九年二次

恩詔授拜他喇布勒哈番。十一年三月。任戶部右侍郎。

六月。隨靖南將軍朱瑪喇征廣東。敗偽安西王李定國步兵四萬於新會山峪內。恢復三府。三州。十八縣。並廣西省二州。四縣。在事有功。加世

職爲三等阿達哈哈番。十二年轉左侍郎。十三年坐事革侍郎。降世職爲拜他喇布勒哈番。十六年陞本旗固山額真。康熙元年承襲父墨爾根轄三等侯。十三年以出征陝西卒於軍。予祭葬如典禮。

後傳在此行
接寓不空行

張存仁。漢軍鑲藍旗人。原係明朝寧遠副將。天聰五年十月。同明總兵祖大壽。從大凌河投誠。即授一等副將世職。六年三月。

太宗文皇帝賜緞疋銀兩器皿等物。七年十二月。

賜鑲貂朝衣一襲。八年二月。

賜男婦四十口。牛十二頭。崇德元年。以大凌河歸附各官爲部院承政。擢存仁爲都察院承政。六月。

賜存仁世襲勅書。授一等副將世職。准襲八次。三年七月。更定部院官制。改存仁爲都察院右叅政。五

年四月。疏陳攻取錦州之策。言臣親圍困錦州之計。寔出萬全。但慮出掠之利。馬到即收。圍困之功。積日始建。官軍不見目前之計。必生苦難懈怠之心。願

聖主振作軍心。堅持困守之策。截彼偵探。禁我逃亡。遠不過一歲。近不過一月。自有可乘之機。兵法全城爲上。蓋貴得人得地。不貴得空城之意也。昔元太祖剪滅人國。勞數十餘年之力。及取中原。又欲屠近河人民。隙地牧馬。賴耶律楚材畫財

賦之策。而太祖勉從。太祖身在此日。雖大業未成。而世祖一統之基。實賴耶律楚材一語留之。由是以觀。欲成大業者。非人地兼得。未易爲也。人地兼得之術。莫過攻心。今我兵大勢壓境。彼必議棄錦歸寧。再急。必議棄寧歸闕。祖帥跋扈。畏罪。豈肯輕離窠穴。事若緩。則慮持久。事若急。則慮身家。祖帥背恩失信。人多以爲無顏再降。臣確知彼心。惟便是圖。本無定見。一當危急。諸所不顧。况伊素所恃者。蒙古耳。數年以來。蒙古

多慕

聖化來歸。彼必疑而防之。防之嚴則思離。離則思變。伏

願以屯種爲本。時率精銳直抵錦城。布散文書於蒙古。以爲搖撼之計。再多擒土人兵卒。廣施招撫。言之透徹。心自變更。心一動則未有不降者。此攻心之策。得人得地之術也。大凌河之降。松山之抗。非往事之明效。大驗耶。古帝王傳檄而定天下。莫不洞悉於此。十二月再言兵家之事。有時有形有勢。三者變化無定。婉轉而用之。

者在於人心。我兵始困義州。又困錦州。至即當避。猶奮螳臂而當車轍。乃思慮之所不及也。雖然。非彼之能抗我。乃我兵圍困不嚴。所以偷運糧料。然亦籠中之物也。臣思

聖主智勇兼全。新春大兵必吞錦州。或挖壕。或礮擊。不

克不止。臣料城之得也。必其內蒙古有變。中自潰亂。倘無此事。則城之得也。亦無定期。若欲久困。必繞城以築臺。兵圍數匝。或者始能得之。松山。杏山。塔山。乃錦州之羽翼。寧遠之咽喉。此三

城不破。寧遠之肝胆不喪。三城之中。惟塔山可
取其城。在西山之下。若從山上以礮擊之。其室
屋自壞。不多費力。而城可得。城一得。則錦州之
羽翼折。而寧遠之咽喉塞。兵法云。困堅城者。必
留其隙。今錦州雖不甚堅固。亦當留山海關以
爲之隙。况城內遼兵少。而西兵多。一人帶箭入
城。滿城驚惶。各起遁走之心。必不戀戰。善用兵
者。巧於留隙。則山海可得。若據守山海。則關外
諸城自然離散。故務取山海者。實入內之要策。

困之不必多用蒙古兵。其兵雖多。法度不嚴。萬
一不如意。一動不如一靜。臣先言修廣寧而守
之者。因與白土廠相近。寔爲國家關土地。立城
池。漸次前進之計。今大兵住義州。超出尋常。已
爲望外之事。故冒昧上陳。臣聞烏真超哈先行
兵時。各帶子弟甚多。今換班之際。自身不去。令
家人代去。臨陣不力。久住必逃。此換班之大弊。
故並奏之。得

旨。命察兵丁本身不去。家人替代者。六年。大破明援兵。

於錦。十月。存仁疏請宜相機度勢。速行攻取。章

太宗是之。七年。既克錦州。四月。復進疏言。今松錦既破。明國重托之督臣洪承疇。寧錦倚賴之鎮臣祖大壽。已爲我

聖主擒矣。竊思洪承疇欣欣自得。歡然倖生。是能審天時。達世務。仰慕

聖上爲有福真主。祖總兵悔盟背約。仍覩面來歸。是勢窮力竭。見松山已下。援兵盡沒。意欲蹈大凌河

之漏網。未可知也。洪承疇既倖得生。必思見用我國。則不宜久加拘禁。令其剃頭居官。祖大壽係我國寇讐。待以不殺足矣。在前途尚有可攻之地。可克之城。不可堅明人後來抗守之意。况吳總兵觀望於前。焉知不蹈前轍乎。宜頒

御劄於寧遠城中鎮將等官。說明松錦生殺之理。投順者必生。抗逆者必殺。一一詳示。定功陳害。吳總兵有不搖動其心者乎。

太宗旋頒御劄。諭吳三桂及鎮守寧遠諸明將。存仁亦

導

太宗命遺三桂書。勸令速降。六月。編烏真超哈四旗爲八旗。擢存仁爲鑲藍旗梅勒章京。八年。隨鄭親王濟爾哈朗。攻取前屯衛。中後所二城。督放本旗紅衣礮克之。順治元年二月。叙功。加半個前程世職。是年。同固山額真葉臣。招撫山西六府二十四州。一百三十一縣。攻太原府省城。指揮本旗紅衣礮拔其城。又隨豫親王多鐸。平定江南河南等處。俱督放本旗紅衣礮有功。二年。隨

貝勒博洛等。往征浙江。遂暫管浙江總督。先是江鎮兵竄。民苦剽掠。城中逃避幾空。存仁集諭紳衿。開導撫綏。民心帖然。七月。奏言。近有借剝頭反順爲逆者。若俟反形旣露。必處處勞大兵。剿捕竊思不勞兵之法。莫若速遣提學開科。取士。則讀書者有出仕之望。而從反之念自息。行蠲免。薄稅歛。則力農者少錢糧之苦。而隨逆之心自消。奉

世

祖章皇帝旨。開科以取士。薄歛以勸農。誠安民急務。

歸順各省。准照恩詔事例。一體遵行。是月。引年乞休。不允。九月。僞國公方國安等。從富陽渡江來犯。杭城。存仁遣副將張杰。王定國。督兵往勦。斬首四千餘級。餘賊復盤踞富陽。又遣定國往餘杭。防剿。至關頭。遇賊對壘。我師奮勇掩擊。追至小嶺。二十餘里。斬獲無算。陣擒國安子士衍。斬之。十月。僞大學士馬士英等。兵渡錢塘。至杭城十里。立五營。平南大將軍貝勒克德渾。遣兵進勦。未至。賊聞風。渡江遁去。存仁同總兵田雄。追斬五百餘級。十一月。陞兵部右侍郎。兼都察院右副都御史。總督浙江福建軍務。兼理糧餉。是月。馬士英。方國安。渡錢塘。窺杭城。存仁同防守。梅勒章京季什哈。總兵官田雄等。率兵擊敗之。溺江死者無算。十二月。遣官齎疏報捷。言逆賊馬士英。方國安。嘯聚山東赭山。杭州朱橋。范村等處。所在肆掠。梅勒章京朱瑪喇。總兵官田雄。副將張杰等。分兵進勦。方逆水師數萬。一鼓盡殲。其餘諸寇。被官兵擒斬者甚衆。三年二月。昌

化縣賊首姚志卓嘯聚亡命。攻陷縣城。與江東
叛寇方國安相結。存仁遣張杰等領兵追勦。志
卓遁去。昌邑復平。四月。疏報擒獲逆賊陳萬良
等。五月。叙破流賊。及平定河南江南等處軍功。
加世職爲三等昂邦章京。六月。遣副將張國勳
等勦滅太湖逆賊。擒獲偽大學士馬士英等。斬
之。八月。再疏求罷。不允。十一月。存仁疏請錢塘
一帶緊要地方。議設水師五千。以防海寇。下所
司知之。四年五月。海寇周崔芝。據福州鎮東衛。

並海口民城。存仁遣副將滿進忠等。分兵攻擊。
兩城俱下。又賊黨岑本高犯浦城。遣副將李繡
敗之。十一月。復引疾請代。

世祖慰留之。十二月。遣副將馬成龍等往勦處州。大敗

賊衆。恢復景寧雲和龍泉三縣。尋以疾致仕。五
年正月。因新陞總督未至。仍以原銜遣官奏捷。
疏言。僞宜春王朱議衍。率衆從江西入據汀州
山寨。總兵官于永紱破其寨。議衍就擒。奏入。
世祖命誅之。二月。分遣官兵。恢復連城順昌將樂三縣。

先後擒斬偽侍郎趙士冕。偽總兵黃鍾靈等。六年八月。仍起用存仁為兵部尚書。兼都察院右副都御史。總督直隸山東河南。時榆園巨寇為害大名。存仁知歸德侯方域有才名。致書徃咨其策。方域條列以復。遂用其計平賊。七年。

世祖詔令督撫按臣考校守令文藝。有不諳者調用。存

仁躬蒞各郡。命題考試。等第公明。居官廉幹者。有一二語通曉。即注上等。否則文雖佳。亦乙之。監司請其故。存仁曰。我武臣也。

朝廷命我校友。我第考實。文有偽。實難欺也。况守令多從龍彥。未嘗教之。遽試短長。恐灰能吏心。眾服其識大體。是年及九年三遇。

恩詔。加世職至一等精奇尼哈番。兼一拖沙喇哈番。世

襲罔替。未幾卒於官。贈太子太保。廕子一人入監讀書。

予祭葬。諡忠勤。崇祀直隸山東河南浙江福建五省名

宦。康熙二十三年。

聖祖仁皇帝召八旗漢軍都統副都統侍郎等官。

諭曰。國家自

祖宗定鼎以來。委任漢軍官員。與滿洲一體。其中頗有

宣猷効力。如孟喬芳。張存仁。輩。朝廷亦得其用。蓋

聖心眷注。始終不替。云。瑞午。張存仁弟存義之子。順治

十二年以

恩。廕授河南磁州知州。十六年。陞江南池州府知府。坐

事。調山東沂州知州。尋丁憂解任。服闋。補直隸

易州知州。康熙九年。陞浙江杭州府知府。十一

年。遷福建邵武府知府。輕徭恤獄。禮士愛民。郡

人賴焉。十三年。逆藩耿精忠反。分遣逆檄。狗下

各郡縣。瑞午誓死不從。賊將執之。瑞午罵賊不

屈死。子玘。瑛。珍。琬。玳。瑜。媳婦王氏。李氏。俱隨任。

同日遇難。賊平。督撫以其事

聞。聞。贈太僕寺卿。

予祭葬。廕子一人入監讀書。

賜之勅曰。鞠躬盡瘁。人臣奉職之猷。酬德褒庸。朝廷勸

忠之典。蓋靖共既昭其大。則褒榮必厚。厥終爾原任

福建邵武府知府。性行忠良。才猷練達。身膺民社。服

後傳在此行
接寫不空行

勞無忝於在官。職任封疆。死綏不忘。夫報主當妖氛
之跋扈。抗大節而捐軀。宜沛愍綸。兼優寵秩。茲贈爾
太僕寺卿。於戲。位崇百執。弘敷紫誥之華。寵沃九原。
永作黃墟之賁。幽靈不昧。鉅典式承。璩。張存仁孫。初
襲佐領。康熙十七年。隨征福建。六月。偽將軍劉
國軒等率逆賊萬餘來犯海澄縣。璩力戰陣亡。
尋議卹。贈拖沙喇哈番。

巴泰。漢軍鑲藍旗人。本姓金。天聰二年。選
御前承值。旋任二等轄。五年。大兵攻大凌河。巴泰隨

太

宗文皇帝親擊錦州敵兵。追至步兵營。尼爾漢轄中

傷墜馬。巴泰越衆馳入。援之以出。六年。從征大
同。徃疖痘地捉生。遇席特庫等為敵。追射甚急。
卽同洪科突入敵陣。擊敗之。又同席特庫捉生。
斬一人。崇德元年。隨睿親王多爾袞征明。巴泰
徃擒敵哨。在沙河生擒哨騎一人。斬九人。獲馬
八匹。遇我兵於楊村探敵。為敵所射。巴泰助戰。

陣斬一人。師旋至邊。率十人往偵三屯營形勢。路遇敵七人。奪達爾虎馬匹遁去。巴泰急追。盡殺之。仍奪其馬。七年。隨鄭親王濟爾哈朗攻錦州外城。同宜爾登擊敗明軍門洪承疇兵。比還。殿後。猝有敵十人來襲。巴泰面中流矢。仍縱馬直入。手刃一人。敵乃却。六年。嘉其善戰。併錄前勞。授半個前程世職。尋陞一等轄。順治元年。定鼎燕京。二年。追叙舊臣勞績。以巴泰係太宗恩養轄員。加世職為牛錄章京。七年。遇

太

恩詔。加一拖沙喇哈番。尋以不附睿王多爾袞革職。併

革一拖沙喇哈番。繫獄。巴泰終不附從。是年。睿

王多爾袞薨。事漸白。八年二月。

世祖章皇帝特恩復原職。九年。兩遇

恩詔。加世職至二等阿達哈哈番。尋擢包衣昂邦。十五

年。授蘇喇昂邦。康熙三年。

聖祖仁皇帝追念其不附睿王多爾袞。優加三等阿思

哈尼哈番世職。六月。陞內國史院大學士。六年

九月。充纂修

世祖實錄總裁官。七年二月。以疾致仕。八年五月。復起

為秘書院大學士。六月。充

實錄監修總裁官。尋屢疏乞休。俱

溫旨慰留之。十月。改內三院大學士為殿閣銜。以巴泰

為中和殿大學士兼吏部尚書。十一月。以巴泰

當

太宗

三世祖時。即用為親近侍衛之臣。累事

三朝。勤勞懋著。特加世職至一等精奇尼哈番。十一年。

以

世祖實錄告成議叙。加太子太傅。十二年三月。再以原

官致仕。十四年三月。

詔仍以原銜入閣辦事。十六年七月。引年乞休。得

旨。卿以年邁請休。情詞懇切。准原官致仕。以遂爾志。念

爾効力有年。清端勤慎。將朕所御衣冠帶靴。特賜與

爾。用旌老臣。以昭朕始終眷念至意。十九年八月。復

起用為正黃旗漢軍都統。二十三年。因年老以

內大臣銜。同原品致仕。食俸大臣上

朝。彝。卒。

予祭葬。諡文恪。勒石於墓。以紀勲焉。文曰。

朕惟國家獎勵臣工。弘敷惠卹。其有循分恪勤之臣。速事累朝。歷有年所。則褒榮之典。亦宜沛焉。爾巴泰策名早歲。躬遇昌期。初奮迹於行間。曾効馳驅之力。繼趨承於禁近。每昭宿衛之勞。遂陟綸扉。與叅密勿。復膺任使。分典戎麾。爾則奉職維勤。持身克慎。因服官之有素。用延世以推恩。逮引年致政以來。正願養優游之日。遽聞徂謝。用切軫懷。命考彝章。諡曰文恪。

於戲。生既累膺崇秩。歿更永錫令名。爰勒貞珉。樹之墓道。以垂休於奕世云。巴泰謹慎無過。謝政復起。

本朝三入閣者。巴泰而外。不概見焉。先是巴泰隸正黃旗包衣佐領下。後以巴泰功。奉

聖祖諭。編設佐領。移隸鑲藍旗漢軍。巴喀。巴泰之弟。初爲壯尼大。尋管牛叅事。累陞至一等待衛。康熙十四年。從征逆藩耿精忠。至福建。於諸暨縣擊賊。偽將軍王忠仁等。敗之。敗偽都督龔姓兵於義烏縣。又敗偽都督周烈兵於洪橋。至衢州府。

屬之蕉園地方。有偽總兵桑明。同偽都督周烈。合兵來戰。並奮擊敗之。又連敗偽總兵葉年。偽將軍馬九玉等。逆藩耿精忠。率衆於大溪灘拒木城以戰。巴喀隨官兵進擊。大敗賊衆。尋恢復建陽縣城。又進擊海賊鄭錦。偽總督徐堯兵。又分擊偽總督興明伯等兵。俱在事有功。尋議叙。授拜他喇布勒哈番。

後傳在此行接
寫不空行

劉光弼。漢軍鑲藍旗人。初任耀州河屯。大尋擢甲喇章京。天聰二年圍錦州。隨四固山以紅衣礮攻南壯軍臺。克之。又同三等梅勒章京墨爾根轄。擊敗松山杏山馬步兵。又協我左翼兵。進擊錦州敵兵。敗之。五年攻大凌河。督放木甲喇紅衣礮。攻克于子章。纏星泡。馬家湖等三臺。大凌河城內兵突出來戰。光弼越衆先入。斬一人。並援出金礮。甲喇下孫遇。又擊明監軍道張春兵。陣斬一人。崇德五年。大兵圍錦州。隨墨爾根

轄攻克呂洪山臺。六年圍錦州。擊敗山口步兵。又隨四固山以紅衣廠攻克塔山附近臺。及塔山城。隨進攻杏山附近臺。並拔其城。七年叙功。授牛象章京。世職。尋陞梅勒章京。八年隨大兵征前屯衛。中後所二城。督放本固山紅衣廠有功。順治元年。加半個前程。世職。五年陞禮部侍郎。尋署理江西提督事務。六年七月。平復廣昌縣山賊。收饒州撫州降將三十餘名。八月。實授都督同知。江西提督總兵官。十二月。山賊張司

盛。洪國玉等。盤踞湖東。光弼遣中軍參將陳陞等往勦。追至大徑竹地方。敗之。餘賊奔潰。偽總兵董明魁。郭承旻等。率衆降。江右土寇悉平。七年。九年。三遇。

恩。詔加世職至一等阿達哈哈番。十三年正月。世祖章皇帝以光弼等十九員。力捍巖疆。著有勞績。特賜鞍馬弓矢。撒袋等物。十六年。以老病致仕。尋卒。予祭葬如典禮。

衆十七年。陞梅勒章京。駐防廣東。時賊渠蘇利。遣偽總兵陳延洪。率賊出靖海所拒戰。應舉率本翼官兵奮擊敗之。又敗偽總兵陳義兵千餘。於龍江寺河岸。賊復遣偽總兵鄭勝。率衆千餘來戰。應舉進擊。斬刈殆盡。康熙六年。叙其績。加世職爲一等阿達哈哈番。八年。自廣東撤回。爲本旗副都統。十二年。署理山東提督。十三年六月。奉

聖祖仁皇帝命。撥京口將軍標下官兵三千。江南提標官兵二千。率赴杭州。聽將軍賴哈達節制。尋爲隨征福建提督。七月。應舉疏報。縉雲地方。通金華處州兩府。爲糧道要途。逆黨蕭君球率賊侵犯。隨征總兵官劉顯芳。遣發官兵進勦。於黃烏嶺。攻破木城。屢敗賊衆。斬獲甚多。十二月。招撫偽將軍馬升。十六年九月。生擒偽將軍李復貴。偽軍師林日向等。十二月。海賊五千餘人。圍泉州府小營地方。應舉同副都統楊鳳翔領兵往援。擒偽副總兵黃忠等百餘人。水陸並進。殺賊

三千餘人。十七年二月。海運偽水師總督林英等犯泉州府界。應舉遣標下叅將朱起龍等率兵撲勦。大敗之於白湖等處。生擒偽總兵林耀。偽副將黃洪等。斬之。五月。以應舉久任封疆。地方未見寧謐。解提督任。未幾。海逆復犯漳州府。應舉親率將士往援。戰失利。退守海澄縣。賊兵雲集。六月。攻陷縣城。應舉同副都統二等伯穆和。林。並自經。閩人哀之。崇祀名宦祠。子牧臣。承襲世職。

高鳴鐘。漢軍鑲藍旗人。初任牛叅章京。崇德三年。隨揚威大將軍貝勒岳託征明。遇王副將兵擊敗之。又步戰敗王叅將兵於墻子嶺。八年。從鄭親王濟爾哈朗攻明前屯衛。中後所二城。督放本甲喇紅衣。厥有功。順治元年。議叙授半個前程世職。六月。隨固山額真墨爾根。轄往平山西。攻太原府城。用紅衣。厥克之。復擊敗流賊毛總兵。三年。從征湖廣。同蘇朗敗賊許總兵。馬步兵一千四百。又同滿錦敗賊兵一萬四千餘。五

年。從征大同。叛鎮姜瓖。敗賊偽辛。總兵馬步兵
二千。又以紅衣礮。攻克渾源州。左衛朔州。太谷
縣四城。七年。遇

恩。詔加授拜他喇布勒哈番。尋叙功。加一拖沙喇哈番。

九年。二次遇

恩。詔加至二等阿達哈哈番。仕至江南提督。自經死。子

永運襲職。康熙十三年。從征逆藩吳三桂。至湖
廣。有偽將軍陶繼智。劉之復。總兵張權元等。率
賊兵萬餘。乘船三百餘艘。自宜都縣來犯彝陵。

永運隨大兵水戰。敗之。至長沙。逆賊吳國柱等。
率兵萬餘。列陣拒敵。永運奮勇衝擊。歿於陣。二
十五年。議卹。加贈世職。爲一等阿達哈哈番。



